

興國縣志卷之十三

兵衛

宋制諸縣巡徼有弓兵率召募以充之元設諸寨爲巡檢司取之徭戶每歲一更明洪武二年立贛州衛於府城興國原設屯田三萬三千畝屯軍一千一百人隸贛衛又於險隘處所設巡檢司以司稽察通府凡十三司而興國居其二一設迴龍一設衣錦每司弓兵一百人其後遞減至二十五人屯衛之外復立民兵萬戶府於府城民兵者卽機兵弓兵二者是已機兵係初設時之名色弓兵係正統以後之召募興國原編一千一百名

興國縣志

卷十三

兵衛

一

成化間減編止九百名分番守會昌長沙營每季二百二十五名以義官一人率之兵苦更代正德間都御史王守仁檄縣精選得五百五十二名歸衛團操逐季限一百三十八名內百長二人總甲五人率之本縣巡捕官不時操演有警聽用隆慶間裁減四百二十三名止存一百三十名每兵編工食衣甲器械銀六兩二錢萬歷初編贛院募兵銀若干兩又撥給府兵工食皆在其中每兵工食止四兩八錢至四十六年遼左用兵部議機兵工食十扣其五以充遼餉於是各兵告退歸農後又奉部文大縣止機兵五十名小縣止機兵三十名而

防禦之道已非其故矣至崇禎末年於衣錦鄉三峰營設把總官一員官兵二百人此一時權宜非經久之定制也

國朝順治丙戌大兵克贛丁亥設總鎮府於贛州興國尚未立營戊子煙兵據興國己丑十月南贛標副將鮑虎領兵收服始留官兵一百一員名更番駐防甲午奉部文以鎮標前營移駐興國後復撤回康熙四年復以前營移駐遊擊守備各一員千總二員把總四員官兵一千八員名七年改前營爲興國營裁去官兵五百四名止存其半守備千總各一員把總二員十九年奉文興國縣志

卷十三

兵衛

二

移豐城臨江兩營官兵共五百名駐防崖石寨不久仍撤二十一年及三十四年兩次奉裁實存官兵二百九十名雍正九年奉文專營守備改爲都司僉書酌定防汛兵丁一百二十八名存城兵丁一百六十二名乾隆元年添設外委把總一員八年改額糧實存兵丁一百五十九名三十二年裁把總一員移撥臨江營樟樹汛裁兵八十名以四十名駐贛州城守營四十名駐萬安營四十七年補復二十名尋裁二十名撥隸撫標現在都司一員千總一員把總一員外委一員兵丁一百七十九名內馬兵十六名步兵三十一名守兵一百三十

二名

按明制衛所而外有弓兵以射名機兵以火器名捕兵以捕賊名隘兵以守隘名皆民兵也今則弓兵隸巡檢司職同快皂機兵改為民壯隸於縣專司護守城署倉庫其馬步戰守之士編伍而聽令者悉寄專聞然而時裁時撥著籍靡常審時度地具有精意謹列其奉文先後如右凡駐防軍裝俸餉之有定額者俱照現制備錄於後

駐防定額

存城千總一員兵丁一百一十六名

興國縣志

卷十三

兵衛

三

崖石汛分防把總一員兵丁十五名

赤勘汛兵丁五名

觀音坳兵丁五名

東村汛兵丁五名

營前汛兵丁五名

南村峒兵丁五名

以上俱屬崖石汛把總轄

均村汛分防外委一員兵丁八名

長逕口汛兵丁五名

楓邊汛兵丁五名

以上俱屬均村汛外委轄

石窖塘汛兵丁五名

屬存城千總轄

軍裝器械定額

操防戰馬一十七匹 鐵盔花甲一十七副 鐵盔
素甲二十九副 鐵盔棉甲一百副 號帽號褂一
百四十五副 號帽滾衣戰腰套袴各二十四副
夾帳房二十一架 中軍帳一頂 涼篷一頂 大
小帥字旗二面 大旗六面 什長旗三十面 先
鋒旗十面 督陣紅旗八面 五色號令旗五面
尖角令旗一面 尖角招旗一面 大鼓一面 烏
鎗一百二十四桿 母子砲一位子砲五個 過山
鳥砲一位 班鳩砲一位 趙公鞭砲一位 籐牌

興國縣志

卷十三

兵衛

四

二十四面 牌刀二十四口 雙手帶刀十把 挑
刀二把 腰刀一百四十五口 自備腰刀一百七
十口 馬鎗四桿 長鎗十桿 自備弓四十六張
自備硬弓八張 官弁自備戰箭四百四十枝
預備戰箭二千四百一十枝 自備把箭二百四十
七枝 自備大鈚把箭七十五枝 箭櫃二個 火
藥二千八百六十觔一兩四錢 鉛觔一千九百五
十六觔二兩四錢 火繩一千一百二十盤 鐵鏃
二百九十四個 鐵鋤鐵斧鐮刀各二十一把 銅
鑼鍋二十一口 撒袋四十六副 海螺二個 裝

藥皮葫蘆三十個 盛貯火藥木桶十一個

外盈餘項下紅衣砲四位 現存城垣防禦 行營砲三位 一

用二貯縣庫 大小鐵彈四百個

俸餉定額

都司俸薪馬乾共銀一百九十三兩三錢養廉銀二百六十兩

千總俸薪馬乾共銀七十三兩二錢養廉銀一百二十兩

把總俸薪馬乾共銀六十一兩三錢五分養廉銀九十兩

興國縣志

卷十三

兵衛

五

外委額支馬兵餉一分銀三十六兩六錢養廉銀十八兩

馬步戰守兵共額支餉銀二千六百六十一兩七錢
以上每歲額支俸薪養廉兵餉銀在藩庫支領二次
贛關撥領二次其馬步戰守三項兵目每名大建月
支米三斗小建月支米二斗九升在興國縣署支領

隘所附

按興國界連七邑昔嘗為盜寇出沒之區郡縣舊志
載隘所詳畧互異今參互考證有志乘所遺而見於
他書者亦採錄其說庶為民保障者知設險之義思

患預防得磐石苞桑之至計焉蔣志

龍子隘在興教里省志作龍子橋隘○郡志龍子埂隘在縣東東通江背洞西通長信

風車扭隘在衣錦鄉郡志蓮花山頂為風車扭

螃蠏藪隘在衣錦鄉郡志蓮花山有螃蠏藪

梅窖隘在衣錦鄉省志在六十三都○方輿紀要云路由此突入最為要害○郡志云梅窖隘舊有三峰營西南通營前東北通雩都青塘按青塘在雩都縣東北一百八十里在寧都州西四十里宋紹興三年岳飛收洞寇功成後以其地界寧都興國為三邑之衝因置寨於此明立巡司尋革知青塘為諸邑之衝則愈知梅窖之為要害矣

南村洞隘在衣錦鄉省志在郎團都○郡志南村洞隘北通雩都黃陂南通江口

大嶺山隘在衣錦鄉

興國縣志

卷十三

隘所附

六

油口洞隘在衣錦鄉省志作泊洞隘在曹溪上下

槎園岡隘在清德鄉省志在藍田西按藍田西今屬太平鄉

龍沙廟前隘在水西里省志在雲溪團

峽田隘在水西里

垓上坪隘在儒林鄉省志舊志俱作垓頭坪隘

荷樹陂隘在大足鄉省志在屋山下

企嶺坳隘在大足鄉省志在雲山里

花橋隘在寶城鄉省志在藍田西

迴龍寨隘在寶城鄉

壕頭隘在寶城鄉省志在方心下里

方石嶺隘在太平鄉郡志方石嶺隘東北通廬陵富田西南通崇賢

楊梅逕隘在太平鄉省志在方太

按以上十八隘所並見孔志 黃志有儒林鄉之墟

下隘省志作清德鄉長安外里凡十九所 省志距縣北二十里

有鄒公寨宋鄒嶧與文丞相屯兵於此有衣錦寨隘

清德鄉惠化東中下里有温陂埠頭隘獲相上下里

謝志衣錦鄉有獲廂上下有劉坑隘清德鄉長安外里有墟下隘

衣錦鄉雲相里有寨上隘閭團都有岫口隘寶城鄉

方山里有瓦子隘南雲下堡有豐邊隘徐平隘共二

十五所而無風車扭隘螃螬藪隘大嶺山隘 謝郡

興國縣志

卷十三

隘所附

七

志衣錦鄉有劉坑隘寨上隘而分油洞隘岫口洞隘

為二清德鄉有温陂埠頭隘儒林鄉有墟下隘凡二

十所而無風車扭隘螃螬藪隘大嶺山隘 張郡志

有麒麟地隘在大足鄉西通萬安黃塘東通山坑有

觀音地隘通崖石砦有楓邊隘北通廬陵東南通白

石弁衣錦迴龍崖石蓮花山凡十七處而無垓上隘

荷樹陂隘企嶺地隘花橋隘壕頭隘楊梅逕隘 方

郡志云縣隘凡二十一所有麒麟地隘觀音地隘楓

邊隘餘與孔志同按張志有麒麟地隘無企嶺地隘

方志二隘並列蓋重出 天下郡國利病書云興國

縣之東路通寧都有瓦子礮寨上南村洞劉坑梅窖
衣錦寨油洞花橋八隘西通萬安有槎園温陂埠頭
企嶺三隘南通贛縣有龍沙廟前荷樹陂墟下坡頭
坪龍子四隘北通廬陵有迴龍濠頭方石嶺楊梅逕
四隘所列共十九隘與黃志數目相符而地名微異
今並錄於此以備考蕭志